

# 卷下

書名 滄桑豔二卷 清刊本  
 撰者 清 丁傳靖 撰  
 卷 卷下  
 內容分類 集-詞曲-南北曲-清季  
 索書號 雙紅堂-戲曲-33  
 編號 D8483800

[彩色首頁1](#)

[東洋文化研究所漢籍目錄 編號: D8483800](#)

[東洋文化研究所漢籍目錄所藏漢籍善本全文影像資料庫 索書號: 雙紅堂-戲曲-33](#)

[漢籍善本全文影像資料庫文本滄桑豔二卷 清刊本](#)

版權所有: [東京大學](#) [東洋文化研究所](#)

[使用上的注意事項](#)

滄桑豔卷上

樊樊山

兩先生鑒定

合肥張士瑛東甫評點

繆藝風

丹徒丁傳靖閻公填詞

婺源石凌漢弢素正拍

第一齣

買豔

旦豔粧上

南畫眉序幽怨鎖眉峰恨生小羈鸞囚鳳記春宵殘夢  
 恍入館娃宮曉鶯啼徹彩雲空還隱約屨廊響送迷離  
 心事愁千種無聊倦倚東風

0 1 2 3 4 5 6 7 8 9 10

戲曲

雙紅堂  
戲曲  
33(2)



滄桑豔卷下

合肥張士瑛東甫評點

樊樊山

兩先生鑒定

丹徒丁傳靖聞公填詞

繆藝風

婺源石澆漢弢素正拍

第十一齣 破賊

淨扮李自成領軍士上前日咱教吳襄作書勸他兒子來降那知吳三桂這厮公然倔强還要領兵與咱厮殺大小三軍一齊準備吳三桂來出去迎敵殺他個片甲不留雜得令繞場下生白袍銀甲領眾軍士

科 1946 - 2 止

素旗上俺前日往。清國乞師承他慨允。俺回到山海關。星夜拔隊西上。你看東邊塵頭起處。清國大兵早已來也。

興高采烈

朱奴帶錦纏入關來。星飛電馳。旌旗影雲中飄曳。紅白黃藍紛迤邐。鬱蔥蔥。瀋陽旺氣鎮中軍。玉葉與金枝。肅無譁。臨淮兵制。這纔是堂堂正正救民水火帝王師。

前面已是一片石。現有賊兵在此。諸軍努力攻打。淨領軍士迎上。生你這逆賊。犯闕弑君。罪大惡極。我率兵討逆。你還不把太子二王獻出。敢要來領死麼。淨



吳三桂你是個好男子。便單身與我搏戰。怎麼要去乞滿洲兵來幫助。倒底是個膿包。兩軍混戰。闖兵敗下。生追下淨持首級上。生追上淨你父親吳襄已被我殺了。這首級拏去看。生切齒怒罵介。兩軍再合戰。介淨登高遙望。介不好了。不好了。滿洲兵來了。快逃回京去罷。率眾敗下。生追下淨領敗兵狼狽上。

吳小四大事今番去矣。還記得官軍見我倒戈馳輪著我見了。清兵也如此。呀。吳三桂。吳三桂。你替虎爲俵。假虎威。咳。李自成。李自成。你到今朝。怎恁般的不濟。

咱自起兵以來。未曾打過敗仗。不意吳三桂那厮引了清國兵來。把咱一嚇。因此大敗回京。此間已是宮門了。左右速將陳圓圓喚來。雜扶旦上淨咱爲吳三桂所敗。這京城住不得了。要回長安去。你須與咱同行。旦妾已事大王。理應隨駕。但吳將軍回京。必定尋妾下落。

柳穿魚。你要是馬後紅顏。緊緊隨他。定要鐵騎如風。緊追大王呀。你須學漢高皇。軍中遺呂雉。莫效那楚項羽。帳下戀虞姬。妾若見著吳將軍。管教他停戰鼓。駐牙

天然湊拍

旗。這便算賤妾報君王一番寵異。

淨你這話也是。咱顧不得你了。就此去者。下旦此賊還要挈奴同去。虧得我粲花妙舌。脫此災星。好生僥倖也。下場上設德勝門。生領追師上。小生扮攝政王。副末扮英親王。領滿洲兵。隨上入城。介雜啟將軍。李自成已出彰義門向西去了。小生吳將軍。闖賊西去。你可領兵穿城直過。併力窮追。生領王爺鈞旨。領軍士下。小生現在闖寇已去。中原無主。十二哥。俺們好預備法駕迎接。聖主入京。早正天位。副末有。

理。俺們且叫大軍在城外駐紮。先到宮中看看去。

### 第十二齣 珠還

末外扮軍官上。末俺李呈。外俺張獻。乃吳將軍帳下旗牌。便是將軍昨日輕騎追賊西去。俺們大軍在京城暫住。明日前往。李大哥。你曉得將軍此來名爲復仇。其實是尋他愛妾。末我也看得出。但是那個圓圓。不要被李自成帶去。此刻闖賊已去。攝政王尙未入宮。我與你前去看看。或者覓著。倒是個大大功勞。外有理。行介末。此間已是宮門了。不免逕入。你看亂轟



轟的那裏。還像個宮禁。那邊有個女子啼哭。去問聲看。旦迎上。外是的是的。就是他。我聽見人說。那陳娘左邊眉梢。有一星紅點。定規是他。問介。你可是吳家的陳娘麼。旦是呵。末好了好了。快背著走。外負旦下。生領追師上。連日窮追逋寇。過了故關。前面已到絳州境上。但是我那圓圓。尙無消息。

滾繡毯也不難破。赤眉也不難收。玉京祗驚鴻音信。冥冥莽風煙。何處追尋。莫不是委名姝在帝城。還怕是挾紅顏一騎行。看著那太行山。恍畫出眉彎。倩影聽著那

將到題處  
分外出力

異樣鮮明

汾隄水似吹來環佩餘音我槍林彈雨心偏定淚濕征袍祗爲卿悔平生誤煞鍾情

前日闖賊敗去戮我全家莫要遷怒圓圓也遭毒手

大勝樂這倒是我義旗一旅下神京催得你香銷玉殞

眞力彌滿  
七札俱穿

五更短了桃花命盲風怪雨無情你蒙頭不幸逢高頻我奏凱空思乞愛卿便黃巾斬盡這綿綿長恨何日能

平。

雜扮飛卒馳上稟將軍張李兩旗牌已將陳娘覓得了生驚喜介有這般喜事快吩咐回軍外末挾旦上



神龍天矯  
不可捉摸

相見抱泣介生圓圓呀

醉羅歌敢是我朝朝暮暮相思緊夢裏今宵一見卿便

這般好夢也難尋况分明手握柔荑定我只愁玉容泥

土早化了青燐碧燐還只怕紅塵飛騎又傍著秦雲晉

雲樂昌竟合團圓鏡若不是天憐憫怎了此碧海青天

萬古情

旦妾再見將軍萬死無恨

北喜遷鶯只道是玉簫綠盡報章皋好待來生歷盡了

萬苦千辛竟望見延陵旆影不是你一路秦王破陣音

兩人開口  
第一語絕  
不犯複慘  
淡經營良

工心苦

你。便。要。招。魂。向。那。處。尋。慚。愧。我。紅。顏。徼。倖。謝。天。邊。皎。月。晶。瑩。照。奴。心。異。樣。歡。欣。

生左右吩咐中軍傳令大小三軍就此駐紮靜候號令雜得令生我自那日間變之後

大珠小珠  
落玉盤

黑。麻。令。終。日。裏。愁。凝。恨。凝。空。領。著。邊。兵。鎮。兵。救。不。得。神。京。帝。京。苦。了。你。一。朵。嬌。花。竟。做。了。飄。萍。斷。萍。怕。聽。那。風。聲。雨。聲。怕。捱。那。長。更。短。更。訴。不。盡。萬。種。相。思。看。鬢。邊。霜。零。雪。零。

旦念賤妾呀



炳若綉纈  
淒若繁絃

前。腔。自。遭。逢。災。星。難。星。日。對。著。狼。狽。虎。狺。苦。記。著。鴛。盟。鳳。盟。飛。不。到。天。末。榆。關。盼。不。到。峴。旌。翠。旌。滅。盡。了。眉。痕。黛。痕。憔悴。煞。愁。身。病。身。不。說。是。昔。日。圓。圓。那。知。是。前。人。舊。人。

雜扮中軍上稟將軍賊營在這三十里外今夜併力追趕便可擒獲生窮寇深追兵家所忌爾等勿得妄動明日拔隊回京去者雜作鬼臉介下生圓圓我與你後帳去者

尾聲相思舊債今日清旦不枉你電走星飛此一行合



可知道英雄從古總多情。

第十三齣 封藩

內侍引生王服上

南泣顏回碧雞金馬漢時秋。看六詔山川如繡。鐵橋風定。百蠻瘴霧全收。喜梁王宮闕。三百年壯麗。還依舊試。看俺對蒼山被袞垂旒。說甚麼老班超。萬里封侯。

俺吳三桂自從破了闖賊歸命。大清以功封平西親王。奉詔西征。逆闖走死羅公山下。俺復由秦入蜀。掃除餘黨。其後進兵南詔。逼死桂王。仰荷

聖

雄麗壯闊



所貴乎元  
人白描者  
以其有清  
氣耳似此  
花團錦簇  
仍復旋折  
一氣元人

恩。卽命俺鎮守此地。天南萬里。坐領雄藩。那個陳娘便也六珈端麗。象服委佗。爭奈他自以出自章臺。不肯受王妃位號。還勸俺別選高門。這也只得由他。俺因命王宮內外。權且用他假母之姓。稱爲邢太太。隨後再議冊封。你看他曉粧已罷。早出來也。巨豔粧上

北刮地風萬里。天南侍輦遊。好山川映徹明眸。看昆明池水濃於酒。五華山翠撲簾鉤。這一搭草淒淒。阿蘊粧樓。那一搭。莽蕭蕭。寶姑粉。登俏青娥。怨血。鵲流。微倖我。烽火堆狼虎。叢輕身。一走到今朝。瘦腰身。依然柳樣柔。

見之亦當  
下拜

坐深宮不識春愁。

臣妾見生陳娘。我日來軍務稍閒。偶然想起一事。你從前曾說過。有個同族叔父。名叫玉汝。是個文士。我已著人聘請來此。一則你也見著家裏的人。二則也可爲我料理筆札。你想好麼。旦多謝王爺盛意。還有甚不好。但是妾叔父是個孝廉。到蘇州總可問得著。還有妾的父親。往日做個小生意。這些年也不知存亡。想起來好生傷感也。

菊花新。我十年萍梗。水中流。料得他朝夕思兒。早白頭。

兩地信悠悠。問今生。還能見否。

生或者你父親與你叔父同來。也未可知。你且不必傷感。俱下。副淨末扮侍衛上。我們乃平西王殿前侍衛。奉王爺之命。到蘇州尋訪邢太太的叔父。叫做甚麼陳玉汝。好容易山程水宿。走了四個月。纔到蘇州。打聽得這陳玉汝住在離城三十里一個村莊上。趕快尋他去。下外隱士服上。

虞美人。尋梅種竹山林叟。石上看雲久。中原兵革幾時休。一任他換羽移宮。總不關世外老巢由。



老夫陳玉汝在前朝曾中乙科。鼎革後遂絕意進取。住在離城三十里一個村莊。守著這幾畝薄田。閒來策杖看雲。倒也逍遙自在。今日無事。不免前村散步。一回。副淨末上。那邊來了個老頭兒。我們去問他一聲。問介這裏有個陳玉汝。住在何處。外。只我便是。二位何來。副淨。原來就是陳先生。我們奉平西王之命。來請你老人家。你有個姪女兒。現在做了王爺的寵妃。要請你去認親呀。外。我也彷彿聽得人說。有這件事。但我是。



潑帽落東甌。十年泉石膏盲。久日對著鶴侶猿儔。新朝爵祿無心就。怎去做藩府椒房。可也羞。况老病怕輕遊。副淨。我們萬里奔波。前來奉請。你若不去。我們怎麼銷差。外。你那主爺的寵妃。雖說姓陳。卻與我狠疏遠的。你們放著他父親不去請。倒來纏我。末。原來他還有父親。敢問在何處。外。你們到城裏閭門內大街上。看有個跔背老頭兒。肩上背著貨郎擔子的。叫做陳貨郎。便是他的父親了。副淨。好好。我們且去看看。找不著他。再找你。俱下。丑。扮跔背負雜貨擔上。副淨末。

迎上。你可是陳貨郎。丑是的。你二位要買何物。副淨  
你有個女兒從前叫做圓圓。可有這事。丑不錯呀。他  
自田皇親搶了去。多年不得消息。想已在北邊兵亂  
時死了。二位如何問及。末我告訴你。他已經做了平  
西王的妃子了。丑驚喜介二位如何曉得。副淨我們  
便是平西王府中來尋你的。丑阿呀天呀。我陳貨郎  
還有這造化。末不想這老頭兒這個樣子的人。倒會  
養那般女兒。副淨兄弟你不要亂說。萬一他到邢太  
太面前說我們幾句。那就喫不住了。去罷去罷。我們

去問地方官要只船。快趕路罷。俱下。旦上。去年秋閒  
王爺曾說叫人到蘇州訪我家族。已是大半年光景。  
那去的人也該回頭了。副淨末扶丑上。這裏已到宮  
門。不免逕入。貼扮宮女迎上。這靴子怎麼跑到宮裏  
來。副淨他便是邢太太的父親。請你領他進去罷。那  
陳玉汝先生不肯來。一併請你轉稟。下。貼領丑進見。  
介。旦阿。喇。父親你來了麼。自從兒那日離了蘇州之  
後呵。

寄生草。遇亂身無主。思親淚暗流。十年身世憂傷懋。一




運古恰合

身飄泊關河走菱花鏡裏龐兒瘦。到今日呵我恰似吳王宮裏病西施。你竟做了龍鍾尋女劉山叟。


左右吩咐設宴款待。設宴對飲。介生上貼王爺駕到。旦起迎介丑見生驚恐持玉杯墮地介生聽說你父親來了。旦妾父山野之人不知禮節乞王爺勿罪。生你們父女多年不見到後宮細細談罷將纔那兩個侍衛到江南帶來許多書畫我要去翻閱一回分下。

第十四齣 卻幣

生上前日那兩個侍衛回來帶得俺駙馬王永甯的



一封書信他住在蘇州常與些文士往來聽得說婁東吳詹事吳梅村先生將我與陳娘之事編成一首圓圓曲他覓得原稿寄來俺看那詩中說的話好教俺難受。這位先生詩筆本來是空前絕後俺早年極佩服的。今看他這首詩更做得精神團結必定傳世無疑。但是傳到後世於俺的聲名頗有些關礙俺想著人去與他商量請他刻集時將這首詩抽去。想來還是教那兩個侍衛去。左右傳那兩個侍衛上來。雜領副淨末上生這裏有白銀千兩明珠十粒你們可



送到江南太倉州。尋著吳詹事吳老先生。請他收下。求他刻詩集之時。把那首圓圓曲刪去。俺便感他盛情不盡了。副淨稟王爺。他那首詩既做得不好。王爺燒了便罷。何必要去與他商量。生胡說。他這詩集一刻。四海流傳。百世不朽。豈是燒得了的。你們快去。生下末。我們纔走江南回來。又要到江南去。往返一萬六千餘里。真是苦差。哥呀。到底是回甚麼事。副淨你不聽見王爺說。要請那吳先生刪去這首詩。想必這詩做得不好。王爺不中意。所以要教他刪去。但是又

要送銀子與他。這是甚麼緣故哩。末那吳先生在家甚麼事不好做。要做這歪詩。卻累得我們喫這辛苦。也是無法。這得去者。下丑扮書童隨外上。

風入松興亡一代黍離歌。拚雨笠煙蓑。老我不情世網。驅人墮受多少故人笑。唾剩青衫。老淚滂沱。恨蝸毒命宮磨。

使梅村自  
作不過如  
此

草間求活為衰親。羽換宮移。未死身多少。滄桑遺事在天教。茹恨作詩人。我婁東吳偉業是也。前明官拜少詹事。甲申之變。正擬投繯。老母抱持。烏私難割。十

鹿樵生真  
知已

年林下方期晚。蓋猶能一紙徵書。恨煞名高爲累。有  
慚名義出處。豈望人原。歷盡艱難辛苦。祇堪默喻。一  
自蓼莪之廢。遂依蘿薜以終。念復社之舊人。已晨星  
之寥落。老境幽懷。抑鬱誰語。近日將平生詩集。編校  
付梓。我吳偉業一錢不值。將與草木同腐。祇有這數  
百首詩。卻是個不朽之業。傳之後世。必有知我之人。  
書童將我詩集取來。好待我校勘。  
**丑**老爺朝也。哼詩。  
暮也。哼詩。哼得肚子越通。哼得身子越窮。這詩裏可  
會哼出銀子來呀。  
**外**休得胡說。快取書來。  
**丑**取書上。

**副淨**末上。我們走了三個多月。今日已到太倉。聞得  
吳老先生住在太倉西門內。因此尋來。敲門。  
**介****丑**開  
門。  
**介****副淨**吳老爺在家麼。  
**丑**在那裏。哼詩哩。你們二  
位何來。  
**末**請你通報。說平西王府中有兩個侍衛。要  
來會他。  
**丑**轉身介。稟老爺。門外有兩個人。說是平西  
王府裏來的。要會老爺。  
**外**沈吟介。吳三桂與我素無  
往來。他們來此何事。且領他進來。  
**丑**出引。  
**副淨**末相見。  
**介****副淨**我們王爺多多拜上你老人家。這裏有白  
銀千兩。明珠十粒。是王爺一點微意。請先生笑納。有





以下兩闕  
足補新价  
人吳詩註

件事與先生商量。你老人家刻詩集時。請把那首圓  
圓曲刪去。王爺感情不盡。丑背語介。我纔說詩裏  
哼不出銀子來。那裏曉得竟有人送大捧的銀子與  
老爺用。還有十粒大珠。煞是奇怪。老爺今番要發財  
了。外

前腔他功名一代出青娥。早把君親擱過。今日是。天南  
銅柱聲威播。負心事。愁人道。破爭知道。玉峯下一老婆。  
婆。早輕把筆尖呵。

我往年做這首詩的時候。

前腔也想着英雄從古患情多。豈國武好談人過。為的  
是義旗名號驚人。頗只道是老包胥赤心真。個不仗我  
一枝筆。極意描摹。怕史筆要傳謔。

你二位上覆將軍。吳偉業腕可斷。詩不可刪。那金珠  
等物。請你帶回。副淨先生不必執意。我們王爺在雲  
南。有多少文人學士。送整大本的詩文。要想著弄幾  
兩銀子。王爺還沒有眼去看他。今日萬里開關。送這  
分厚禮。你老人家須要圓通些纔好。丑是呀。老爺這  
詩。不過五百餘字。他銀子倒是一千兩。又是十顆大



珠還不止值一千銀子。算起來差不多五兩銀子一個字。便是現在中堂督撫的字。也值不到這般大價。勸你老人家趕快允了他。把銀子送到錢莊生利。把珠子包好了收在地窖裏。還怕那平西王回想起來。心疼要來索回哩。外胡說狗屁。快滾下去。丑撮嘴下

三桂在滇  
自置官屬  
當時稱為  
西選

外黃鶯穿皂羅。我一生心力儘銷磨。杜陵詩感慨多。不妨  
藥府常窮餓。他雖是鎮南疆宮魏闕。峨操西選風噓雨。  
呵。可知道電光石火匆匆過。畱得個他年青史。供人譴。

截金為句

呵。爭及我含宮嚼徵。淋漓醉歌詩壇。自有千秋我。  
况這首圓圓曲呵。

啄木兒。驚人語。擊節歌聲聲直欲穿雲破。鼎湖哀鬼哭。  
神愁綠珠怨。花嬌柳禪森。嚴史筆如盲。左那連昌一曲。  
才猶薄。便白傅琵琶也未足多。

副淨照這樣說來。這首詩是定規不肯刪的。外是定  
然不能刪的。末但是我們萬里而來。先生可好做個  
回書。外這也不必。我詩集將已刊成。這裏有副本一  
部。你們即便帶去。只說我已經刻成。不能刪改。他也



四面觀音  
八面觀音  
南昌李明  
膚故妓後  
歸三桂見  
劉健庭聞  
錄

沒得說了。遞書介下副淨末作出門介。副淨我想此事有些不安。若照這般回覆。王爺定說我們不會辦事。我想王爺事體甚忙。日間要操練軍馬。晚間入宮。除了邢太太。還有四面觀音與八面觀音。陪他作樂。這些小事。未必常記在心。我們回去就說吳先生已經應允。將這銀子珠子。我與你二一添作五均分了。此去到得洞庭湖。將那鳥詩集鳥副本。送到水裏去。還他個一了百清。即便他將來刻成。一時也未必到得王爺眼裏。你說好不好。末此計大妙。即照這樣辦。

下

第十五齣 入道

旦上

劉潑帽。棟花開後。東風緊。念生來墮溷。飄茵薺甘荼苦。

都嘗盡。草草浮生好。去傍琳宮清淨。

我陳圓圓自侍吳王。光陰迅速。忽忽十有餘年。雖王心寵眷如初。而正妃時懷妒忌。自憐薄命。原難常享恩波。願學仙真。或可早離塵劫。前日曾向吳王說及。未荷允許。今日王爺招往賞花。再當力請。想王爺總

流屬馨逸

言卷盡

後下

七 羽隱廬雜著



文亦如之

可曲從。就此去者。下生上連。日天氣融和。春光明媚。特招陳娘賞花小飲。敢待來也。旦上。入見介。雜扮宮婢進酒對飲。介。生。陳娘你今年已是三十多歲的人了。雖嬌紅微褪。而風韻如初。恰似這月臺邊一樹梨花。大有楚楚可憐之意。旦。妾齒暮色衰。猶蒙殊眷。但恐蒲柳之質。望秋先零。要想覓個清淨地方。清修養病。務求王爺恩許。念妾呵。

運掉自如

月照山。世味都諳盡。剩了愁兼病。縱然是不棄秋。秋扇猶玷。椒花寢愁的是薄命。青娥宿業消難淨。人間自有

清虛境。享盡了金屋銀屏。好去伴藥鑪丹鼎。藉仙心把少年時。宿恨平仗黃庭。把半生來綺障清。

生。我與你鸚鵡相依。百年猶短。你又何必作此世外之想。旦。妾塵心久淨。務望王爺俯如所請。此後方外餘生。皆出自王爺所賜。生。你說得這般懇切。我也不忍拂你意思。這裏左近有個洞霄宮。風景幽絕。且與大教場相近。你便去那裏習靜。我有時操練之暇。還可常來看你。旦。謝王爺恩典。分下貼扮道姑上。曉帶星冠朝玉帝。夜開斗室禮金仙。老道洞霄宮住持便。

是今日聞說平西王府裏邢太太。要到此間修行。只索伺候。且道裝上這裏已是洞霄宮了。

玉茗風流  
去人未遠

普賢歌黃花一徑白雲深。玄鶴翩翩不避人。齋壇淨絕塵雲房靜掩門。準擬著一領霞帔了此生。

貼女冠迎接夫人。且道姑有勞了。此後朝夕相親。還要常叨清誨。貼請夫人殿上參謁三清。且行介這裏是正殿了。

羅袍歌一帶旛幢仙影看香煙繚繞上透三清這一邊。羽劍星冠老洞賓。那一邊霞裳芝蓋陶宏景。拜介從今



後一篇真誥朝參道經一天星斗宵迎玉真不學那鑪中雪變白銀南唐干謁耿先生更笑煞魚家女朝玉京。碧桃花下繫閒情。

行介這一帶雲窗丹竈十分清淨便是我陳圓圓結果安身之所了。

滾繡球到得個神仙境不由人俗慮清悔當年不早修真引出那無限飄零到今朝聽瑤笙休疑絃管音響松風休猜戰鼓鳴把一杵斜陽疏磬換卻了宮漏琤琮半生塵夢今纔醒但不知王母蟠桃宴太清可容添一個

三河少年  
風流自賞

雙成

俱下生戎服上自陳娘出宮。不覺已是一月。今日在教場操演已畢。好去看他一回。此間已是洞霄宮了。不免逕入。旦道裝迎見介生。你在此間倒清淨得狠。旦蒙王爺洪福也還罷了。王爺身著戎服。想又在教場操練兵馬。我想現在邊疆安靜。王爺何必時時操心。還宜節勞善保玉體。生你不知道。我因戰馬漸少。囑養子陝西總兵王輔臣去關外購些馬匹。朝廷因此漸有疑我之意。我亦頗思再入中原。因此預爲

籌備。旦我已方外閒人。原不願再聞世事。但是王爺呵。

月雲高。你久掌天南威柄。莫向熬中更翻餅。况一自戎衣定已。奠成周鼎。一統華戎也。自由天命。你守藩封。莫躡宸濠影。我便不是婁妃也。要勸君須知道。豪傑由來識廢興。

生你這話也是。但是朝廷如下移鎮之詔。俺卻不能遵守。隨後再說罷。分下

第十六齣 藩變

此用鈕傳  
爲圓圖出  
脫



生戎服領軍士上

鷹隼橫空  
蒼然秋氣

鵲橋仙英雄老去壯心未已歎髀肉又重生矣蛟龍不肯老滇池看攪起滄溟黑水

俺吳三桂天南坐鎮十有餘年近來朝廷已有疑俺之心那米斯翰索額圖兩人又時時與俺作對前日竟下移鎮之令此去關東生死制於人手俺頂天立地的豪傑豈能受此拘束因諭令本藩十三太保蓄髮易服尅日興師滇撫朱國治已被俺殺卻黔撫曹申吉提督李本深俱已投降俺又約同平南靖南



兩藩同日起兵聯為犄角之勢大軍所過勢如破竹由常德一路直抵長沙你看軍聲浩大俺好不得意也

賞官花看堂堂大纛雲旗還用我漢官儀當日早知闖賊如此易破便不去借兵俺吳三桂已做了三十多年皇帝今日事便即成已變做兩截人了誤煞那一著錯乞援師昨日雖非今日是好做個暮年復國慕容垂

吩咐諸軍即在長沙住紮候俺駙馬夏國相胡國柱及步將馬寶等諸軍齊集即直渡洞庭赴中原去者



敘述俱本  
國史

雜得令俱下外領八旗軍士上一統華夷景運昌天  
南小醜忽跳梁鯨鯢稽戮三年久會看天戈下鬼方  
俺乃定遠平寇大將軍安親王岳樂是也自吳逆背  
叛俺奉命率師討賊會同靖寇大將軍貝勒  
尙善揚威大將軍簡親王喇布與湖廣總督蔡毓榮  
江西總督董衛國四面兜剿屢次克捷賊勢漸衰前  
而已抵長沙傳令眾軍努力攻城生領軍士迎上兩  
軍合戰介生戰敗領軍士下外率兵入城介吳賊此  
去必到衡州我軍且在此住紮候征南將軍穆占兵

來便可合力擒賊下生上俺吳三桂自入長沙滿擬  
可以直過洞庭爭奈那蔡毓榮抵死抗拒急切不能  
飛渡馬寶等屢戰不利大將韓大任又戰敗投降俺  
兵勢愈孤前日滿洲諸軍合力攻打長沙俺屯紮不  
住只得退走此閒已至衡州這裏山川險峻尙可固  
守俺想這幾年來大號未正軍無固心因此建國大  
周改元昭武築壇衡山下擇日行告天之禮從此再  
整六師徐圖進取下場上設郊壇生帝服上今日是  
黃道吉日俺好行郊天之禮拜介雜扮探卒上啟萬

言彙監  
卷下  
三  
豹隱盧雜著



歲駙馬胡國柱戰敗投降。大清因此湖南各郡一齊歸順。生驚跌介。呵呀吾事去矣。眾扶起介。生潑帽落東甌。恨誤用不才孺子。竟敗了乃公許事。我一生空負拏雲志。今已是帳中四面楚歌時。天意恨難知。眾扶下。外扮安親王副末扮簡親王末扮穆占率諸軍上。吳逆勢已窮蹙。諸軍速往衡州進剿。務期一鼓成擒。眾軍士繞場下。生病容上。自胡國柱降後。各處軍心潰散。敵兵愈逼愈緊。俺一息奄奄。前日命人到雲南喚俺孫世璠來此接手。恐怕不及待了。呀。吳三

徐夫人七  
首無此快  
利

伏獅一吼  
萬馬皆暗

桂。吳三桂。

越恁好。你做二臣一誤。做叛臣再誤。生平擾擾。竟何爲。只道是相君之背。非常貴。怎知道這結果。竟如斯。便是這幾莖頭髮。長了又翦。翦了又長。也對不住霜雪星星。兩鬢絲。誰教你當年不死。暈絕復甦。轉介。呀。這便是普天之下。負親恩。沒收梢的樣子。負君恩。沒下場的樣子。倒地氣絕。介。雜。不好了。萬歲駕崩了。這衡州也守不住。一齊奔回雲南。再說罷。俱下。

第十七齣 池殉



幽秀

巨道裝執蠅拂上

菊花新。白雲深處採神芝。黃葉聲中禮玉妃。一卷步虛詞。念往事。真如隔世。

我陳圓圓到此清修。已是五六年了。自我出宮之後。吳王不久即舉兵北上。我也曾勸過幾回。無奈吳王不聽。這兩年聞得兵事不甚得手。我雖遊方外。終念舊恩。因此心中委決不下。貼扮道姑。上不好了。王爺在衡州正位未久。即便薨逝了。巨驚慟介。

鶯簇一金羅。記那年訣別在臨歧。怎知道此生中沒見。



處處從出世以後著想斯為藻不妄抒

期我雖是閉雲房。久厭人間世。要知道這閒身也出。君王賜。況曾是手相攜。影相偈。縱然說學仙佛的人兒。要絕愛癡。幾曾見忘恩義的人兒。有證果時。我要學彩鸞飛控。恨文簫不隨。我便向天台沖舉。痛劉晨不歸。又教我厭世。冰腸重斷矣。

貼夫人且慢悲傷。聽說王爺薨後。全軍潰散。那蔡總督與趙將軍。穆將軍已漸抵雲南境上。想不久省城便破。我要預備避兵去也。下旦。

南園林好。既然是落星灣風摧大旗。定然見館娃宮朝。

遊鹿麋。我已。是。鳥。驚。弓。怕。聞。笳。吹。怎。禁。得。昆。明。劫。更。飛。  
灰。兵。閒。苦。又。重。懼。

況且我與吳王這一節事。北邊無人不知。此次大兵  
入城。必定要尋我下落。

粉孩兒恨的是學不到飛昇地。轉爲這駐顏丹。留得翻  
鴻風。致到了那紅塵一騎逼人時。難道還脫卻雲帳去。  
做個入楚宮。不語桃花與那祀張仙。多情花蕊。

這裏有個蓮花池。不免要尋他做個結果。行介此間  
已是好一泓池水潔淨。是我陳圓圓的死所了。

鈍根人百  
思不到



總束見力  
量

太師引把前塵昔夢從頭記。恨煞我堤邊柳。早受霜欺。  
涵中花空。隨颺起。椒宮夢。倏化煙飛。丹爐火。又遭風熄。  
終葬了碧水漣漪。或者是仙籙。他年有名字。還仗這投  
湘一殉。不游移。

投池介貼扮道姑上。阿啣這水中浮起一尸。不是王  
府那位邢太太麼。可憐可憐。現在兵信日緊。只好教  
人撈起。權在池邊藁葬。也不及到王宮去報了。下。

第十八齣 魂遊

旦仙裝魂上

一聲河滿  
雙淚闌干

流。彙。豐。卷。下。一。些。  
嬾。畫。眉。香。魂。一。縷。受。風。斜。遺。蛻。空。存。水。一。涯。珊。珊。玉。骨。  
傍。蓮。花。怕。碧。血。痕。難。化。咳。圓。圓。呀。你。一。世。為。人。有。甚。味。

我陳圓圓自聞吳王凶耗。即在蓮花池投水以殉。離魂恫恍。泉路迷茫。冥王以我現此色身。誤人家國。幸聞變身殉。此一節足蓋前愆。因此免入輪迴。聽我遊行自在。冥中忽忽。又是數年。今日隨著順風。一路來此。你看前面一帶荒涼屋宇。不是當年吳王舊宮麼。這亂後光景。好生悽慘人也。



薛蘿山鬼  
此其嗣音

山。花。子。英。風。霸。氣。隨。煙。化。歸。來。遼。鶴。無。家。扶。荔。宮。蔓。草。  
荒。煙。調。箏。院。古。木。寒。鴉。芳。林。珠。樹。竄。驚。蛇。蓮。塘。藕。池。喧。  
亂。蛙。猛。聽。來。戍。鼓。聲。聲。還。道。是。曉。放。南。衙。

咳吳王呀

情魂謾謾  
崑山玉碎  
鳳皇叫

歸。朝。歡。你。好。身。手。好。身。手。一。個。男。兒。烈。轟。轟。名。傾。朝。野。  
圖。王。業。圖。王。業。一。世。空。花。冷。淒。淒。這。般。收。煞。空。留。下。滄。  
桑。中。一。段。風。流。話。除。卻。了。薄。命。人。流。涕。泉。臺。下。更。誰。向。  
館。娃。宮。裏。弔。夫。差。

這邊是我舊時粧閣了。



淒麗如連  
昌宮詞

雲南城破  
八面觀音  
歸綏遠將  
軍蔡毓榮  
四面觀音  
歸征南將  
軍穆占貝  
劉健庭聞  
錄

鮑昭蕪城  
賦無此哀

豔

抵讀一部  
荆駝逸史

金甌線解醒煙寒。翡翠樓。草覆鴛鴦瓦。鸞鏡塵封。還對  
紅窗下。珠簾帶雨斜。可記得舊人兒。纖手輕輕。銀蒜挂。  
那邊不是四面觀音。八面觀音住處麼。到今日呵。一個  
是胡琴。新對中郎撥。一個是玉笛。重吹穆護砂。淒涼煞。  
這高樓燕子。問盼盼誰家。

我在此徒生傷感。不如到我蘇州舊遊之地。看看是

何光景。行介

錦纏道。莽天涯。御輕風。關河不遮。這裏已是蘇州閶門  
了。不改舊繁華。看山塘。幾行新柳。成衙再歸來。燕子橫

斜認。巢痕不是兒家門。巷換枇杷。更休問舊時車馬。我  
想當年與張公子。那般親密。終究是我負他。累煞你人。  
面。悵桃花。可知我半生來。恁般飄泊。便是那賽崑崙。後  
來也無消息。看他那般行逕。或已是虬髯海外擁高牙。  
我想當年在京城時。正值殘明顛覆。現在  
聖  
人在位。定然又是一番氣象。何妨再去一看。行介前  
面。已是京城了。

北。刮地風。觚稜日影射光華。鬱蒸蒸五色雲霞。把愁風  
苦雨。全消化。滄桑變且慢。嗟呀。消風圖也。慢推查看起



低徊俯仰  
伊鬱酸辛  
使二八妙  
伶按節歌  
之真足迴  
腸盪氣

來祇有這氣運興衰不假。現在宮廷之中。百靈擁護。我  
也不便前往。且順便到田宏遇家看看。是何景象。行介  
這裏是了。啟朱扉。又是誰家看。一搭水上樓。樓上花。早  
換個主人依託。我便不是受恩身也。免不得重來清淚。  
灑。怪道說老浮屠。不去向桑下停車。

我儘著隨處飄蕩也。非了局。不如仍回雲南去罷。

尾聲一葉身輕。萬里賒也。抵得雲車風馬。還去傍昆明

池水舊煙霞下

第十九齣 降鸞

好句欲仙

淨末外持乩筆灰盤上。我們乃滇中文士。因這裏有  
個商山寺。設著乩壇。我們今日無事。約同二三友人。  
為扶鸞之戲。來此已是不免。逕入。焚香介。淨執乩筆  
介末。你看乩筆動了。我去看著念出。你便記下。外執  
筆寫介末念介。小別紅塵六十年。吳宮舊事總如煙。  
瑤池欲謁西王母。花雨溟濛隔九天。我平西王侍妃  
陳沅是也。末。原來仙妃降臨。請問仙妃現在何處棲  
止。乩筆動介末念介。我自入冥途。冥官憐我以身殉  
主。免入輪迴。冥中喚做鬼仙。聽我遊行自在。末某等



一束再束  
餘勇可買  
此詞八闕  
語語鍊字  
字響如聞  
遼天笙鶴  
非復人世  
宮商曲至  
此致觀止  
矣

在記載叢說上所見仙妃事蹟也還不少不知是否  
確實可好請仙妃把平生遺事敘述大略使某等聞  
所未聞。凡筆動介末念介

嬾畫眉。姑蘇臺畔柳毵毵。一曲新聲謝阿蠻。登場粉墨  
萬人看到酒闌人散翠袖低徊淚暗彈。

這是在吳下為女伶時事再念介

前腔無邊孽海起狂瀾。京兆眉痕畫未乾。不平空自有  
黃衫救不得離鸞慘。從今便滾滾飛花逐浪翻。

這是說被田家奪去與張公子分別及俠客劫還復

獻之事。這事果真有的。再念介

前腔五雲深處識天顏。聖主憂勤卻玉環。香車油壁載  
重還。從此珠投暗恨的是日日伴歡強笑難。

這是說崇禎卻獻再入田家之事再念介

前腔武安席上贈雙鬟。臥虎因緣曠世難。通侯節鉞正  
登壇。吹得巫雲散從此便夜夜鴛衾夢玉關。

這是說歸了吳王之後吳王出鎮之事再念介

前腔驚天鞞鼓入長安。凝碧池頭坐祿山。軍中誰作護  
花旛。生受狂飈撼早拚著烽火堆中葬玉顏。

這是說闖賊劫去之事。再念介


前腔將軍鼓角下雄關。破敵收京。指顧閒亂離。誰信得  
生還。痛定驚魂。按早已是紅淚淋浪濕玉鞍。

這是說亂後復歸吳王之事。再念介

前腔香車寶馬到天南。廿載君恩。海樣寬平生甘苦味  
全。諳要脫紅塵。絆黃葉山中一草庵。

這是說辭官入道之事。再念介

前腔將軍暮氣強登壇。馬首東瞻。竟不還。感恩知己一  
紅顏。怎做孤飛雁。剩了個一殉蒼梧淚血斑。



這是說吳王事敗投池身殉之事。乚停介末仙蹤已  
去。看他敘得委曲詳盡。此豈靈鬼所能假托。我們好  
把他傳抄出去。也當件異聞。外仙蹤既在此閒。異日  
或當更降將來所有詩詞。統題爲商山鸞影罷。俱下

### 第二十齣 訪墓

小生上欣隨使節到滇中。搜訪殘碑剔蘚叢。莫笑鰥  
生偏好古。小琅嬛館有家風。小生阮福字賜卿。江蘇  
儀徵人也。侍嚴君之節鉞。遊六詔之山川。稽諸志乘。  
這總督節署。就是當年吳三桂的王府。那後面一進

樓房傳說就是陳圓圓的粧閣。當日讀梅村圓圓曲時。緬想香蹤。不禁神往。不意今日親至滇中。得覩豔迹。好生徼倖也。

風神秀曼  
搖曳多姿

鵲踏枝。畫樓東。落花紅。人去樓空。香逕塵封。還想見。綺窗。前簾開。風動隱著個豔亭亭人面芙蓉。

前日偶與幕中文士談及。聞說這裏有個商山寺。中設乩壇。是陳圓圓降鸞之所。還有一卷書。叫做商山鸞影。因此著人打聽。方知這降鸞乃乾隆初年之事。乩壇久已不設。卻將商山鸞影一卷覓得。其中所載

之降鸞詩詞。清豔得狠。真是圓圓手筆。後來又打聽得圓圓修道之所。叫做洞霄宮。那埋香之所。也在一帶。今日無事。不免前去探訪一回。行介此間是洞霄宮了。貼扮道姑出迎。介公子請進獻茶。小生請問道姑。可曉得當年有個陳圓圓在此出家。貼幼年曾聽見先師說過。還是在前四代的祖師時。有這件事。後邊還有一所空房。說是他當年的靜室。小生請你領我去看看。行介貼這裏是了。小生好一個幽僻所在。





風馬兒雲房一帶冷煙封。看藥鑪丹竈塵蒙好幽居不  
滅桃源洞。想風清月白還降許飛瓊。

聞得圓圓墓址也在左近。道姑可知道麼。貼這倒曉  
得聽說當年賢妃投水之後。就是我們第四代祖師  
將他撈起收葬。後來祖師遺命。每年到墓上打掃一  
次。百餘年來謹守不改。小生請你也領我去一看。行  
介貼這邊是了。小生

駐雲飛花落吳宮。詞客重來弔冷紅。踏遍斜陽墮。尋到  
靡蕪冢。啖一徑掩蒿蓬。冬青未種斷碣淒涼。繡盡莓苔

冷香幽豔  
蕙荷玲瓏

縫誰曉得玉骨深深葬此中。

貼左邊這一池清水。就是當日殉身之所。至今每年  
開的蓮花。總有一兩枝並蒂。據說就是賢妃靈異。小  
生

北混江龍。看一水鱗鱗。風動誰知此地殞。芙蓉到花開  
並蒂。猶現靈蹤。由來晚節。人間重。不但是憑弔湘波。惜  
玉容。笑吳王一世雄。到今朝。可有人麥飯春風一樽來。  
酌平西冢。還只怕狂王地下羞見吳儂。

洞庭秋月  
一片空明

早晚說與地方官。好教人來整理墓道。以免他年湮



沒。

尾聲把馬鬣重加七尺封。叫後人好覓埋香隴。休笑我  
好事風流阮仲容。

荆棘銅駝淚血紅。包胥痛哭出關東。  
漢家若畫凌煙閣。要讓蛾眉第一功。

繆藝風師題詞

眉寫春山臉暈霞。前身合是採蓮娃。如何桑海無窮恨。  
卻繫蘇臺第一花。

少年白晳位通侯。坐鎮雄關壓上流。忽奉父書甘附逆。  
恩恩兵已過灤州。

聞道名姝入偽宮。衝冠一怒氣如虹。秦庭頓首求師出。  
卻與包胥意不同。

開府滇南異姓王。翻風寵自擅專房。野心狼子終翻覆。  
何待紅閨預贊襄。



霞帔星冠出畫樓永辭富貴慕清修  
沈玉碎須臾事  
生得蓮花尚並頭

寶殿飄零翠瓦斑

鸞影集原句

游人何處訪商山舞餘詞亦

無完本鸞影居然出世間

黃金難買鹿樵生更有了鴻感慨并孔氏  
桃花黃帝女

一般幽恨寄新聲

宜興蔣醉園先生題詞

天假蛾眉翊 聖清延陵晚節負卿卿  
辭榮不戀侯王

寵尤勝黃緇卜玉京



臆度紛紛語不經錯疑煽處是娉婷  
梅村但惜英雄誤  
卻許紅妝照汗青

商山隱跡復投池何異婁妃殉國時  
常使蓮花開並蒂  
阿儂心事有天知

玉貌還兼擅綺才愁多懼少怕傳杯  
舞餘詞在憑君讀  
未向溟池化劫灰

同里李吟白先生題詞

拚將百口換名姝翻爲紅顏慟鼎湖  
爭怪英雄惜兒女  
綠珠原不負齊奴

悲懽歷盡斂雙娥匹合侯王未足多珍重天家名爵貴  
受恩敢學顧橫波

媚香夫婿是東林不受關兒暮夜金留得千秋詩史在  
才人一樣卻區心

中年哀樂託滄桑一種閒情勝阮郎比似清容新樂府  
都從物外話興亡

同里蔡禹言先生題詞

浣紗人又入吳宮彈指興亡一夢中留得昆明遺事在  
檳榔花伴劫灰紅



碧玉生來是小家長憐無分繫宮紗蛾眉何預傾人國  
獨有延陵解惜花

烽火驚心劫翠娥何期千里返明駝論功只合歸巾幗  
成就將軍報國多

重翻新曲繼梅村勾起吟懷共討論恰似東風吹皺水  
不干卿事也銷魂

江甯陳伯雨先生題詞

薄倖

雄姿英度總被這柔情絆住聽夜夜遼陽笳鼓千里夢

魂歸去悵神京風鶴驚傳樓頭柳色縈愁緒奈一霎烽  
煙家亡國破問那人兒何處 最薄是紅顏命敵不過  
眼前君父復仇憑大義包胥一哭奪回破鏡圓如故翦  
茅苴土論功名蓋世乾坤再造由兒女修羅劫了空色  
終能解悟

同里葉中冷先生題詞

踏莎行

薄命胭脂無情烽火美人慣結興亡果將軍春夢一宵  
圓紅簫吹裂家山破 碧海萍飄青溪花墮梅村幽罷

淒涼頗多君環佩演吳宮知他明月魂歸麼

同里李丹叔先生題詞

生在東塘後讓南部桃花扇子盛名獨負更向北都尋  
豔蹟壇坵儼分左右況更是興亡樞紐忠孝大綱嚴斧  
鉞藉英雄兒女絲絲繡恨不示梅村叟 冶城從古稱  
詞藪更名士翩翩一卷豪蘇膩柳典盡傲裘裘樂府風  
調邇來希有正花月可憐時候綠譜紅腔新配準付興  
奴妙絕琵琶手句有當酌汝奔牛酒所指

右調貂裘換酒





